

բանէ անտի անց ուղարձի իրաւունս ունին, այսուհետեւ եւս ըստ առաջնոյն պարտ է գործադրիլ: Յեկեղեցին Բեթղեհէ մի 'ի մէջ Այրին 1847 յամին կորուսեալ աստղին յար ե նմանն 'ի Կայսերական մեծութենէս իբրև հրապարակական յիշատակ Քրիստոնէից, և իսպառ բառնալոյ զխոսովութիւնն, նոր 'ի նորոյ բեւեռեալ աստղին: Ի Քրիստոնեայ ազգաց և ոչ միոյն յատուկ և նոր իրաւունք ոչ է տուեալ, և ոչ 'ի միում ժամանակի չունի կրել փոխախառնութիւն: Քրիստոնեայ ազգք, որք արժանացեալ են կատարել զօրէնս եւ զուխտս իւրեանց 'ի վերայ Գերեզմանի Ս. Աստուածածնի, յամենայն աւուր պարտին կատարել զօրէնս եւ զուխտս իւրեանց, պայմանաւ չլինել արգել օրինաց և ուխտին այլոց ազգաց: Յամենայն առաւօտու սկսեալ 'ի ծագմանէ արեգական, Յոյնք, ապա Հայք, և յետ այնոցիկ Լատինք, իւրաքանչիւր ազգք 1¹/₂ ժամ պարտին կատարել զօրէնս, և այս բարեկարգութեան յօրինումն հրամանաւ եւ թոյլտուութեամբ Տէրութեանս գործադրեալ է:

Ի գիւղն Բեթղեհէ մի կից Լատին վանաց երկու հատոր պարտիզաց տեսչութիւնն Յոյնք և Լատինք պարտին վարել, և ոչ ումք աւանդական իրաւունք լինելու պայմանաւ, մինչեւ ցայսօր ո՛րպէս գործադրեալ է, նոյն եղանակաւ պարտ է գործածել: Բաց յայցանէ եւ ոչ միոյ ազգի պաշտօնական գրովք նորոգ գործադրելի թոյլտուութիւն չլինելոյ սակս, ամենեքեան պարտին մնալ 'ի վերայ ներկայ վիճակին: Մինչեւ ցայսօր յերուսաղէմ Յոյն, Լատին եւ Հայ ազգք զՍ. Տեղիս, թէ ընկերովի եւ թէ անկախ, զօրս ունին 'ի ձեռս իւրեանց պարտին հաստատուն մնալ 'ի ձեռս նոցա, որպէս և էին: Այսօրիկ ամենեքեան գոլով գրեալ և կարգաւորեալ, զբովանդակութիւնս նորին յայտ արարեալ ծանուցին Կայսերական մեծութեանս: Համաձայն գրելոց 'ի վեր անդր, և 'ի մասին՝ գործադրութեան 'ի հաճութենէ Բարձր կամաց Տէրութեան կախեալ գոլով՝ թագաւորական հրամանաւ և Բարձր կարողութեանս համեմատ Արքայական դիւանէս Կայսերական ձեռագրով վաւերեալ տուաւ բարձրագոյն հրովարտակս, դուք՝ որ Բրդեչիս, Դատաւոր և այլն էք, իմացեալ զորպիսութիւն հանգամանացն, սոյն հրովարտակս արձանագրես՝ ի Դատաւ-